



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 47/79

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«06» Դեկտեմբերի 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Հ. Մարգարյանի կողմից 11.09.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 169.16-րդ հոդվածի 4-րդ մասի 2-րդ պարբերությամբ նախատեսված վարչական իրավախախտում, մասնավորապես՝ «Մեզա թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանի նկատմամբ «Վարչական տույժ նշանակելու մասին» 22.08.2023 թվականի N Վ-33/29 որոշմամբ տուգանք նշանակվելուց հետո մեկ տարվա ընթացքում «Մեզա թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանի կողմից Երևան քաղաքի Արշակունյաց պողոտայի հ. 34/16 հասցեում գործող օբյեկտում առանց համապատասխան թույլտվության իրականացվել է հեղուկ վառելիքի մանրածախ վաճառք, որի վերաբերյալ 09.10.2023 թվականին կազմվել է թիվ Ա-004611 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Կետո Սուշի» սահմանափակ պատասխանատվությամբ ընկերության տնօրեն Էմիլ Էմիլի Չոբանյանի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել վերջինիս Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցագիրը մինչ օրս չի վերադարձվել, իսկ «Կետո Սուշի» սահմանափակ պատասխանատվությամբ ընկերության տնօրեն Էմիլ Էմիլի Չոբանյանը չի ներկայացել Երևանի քաղաքապետարան, ուստի ղեկավարվելով «Վարչարարության հիմունքների և վարչական վարույթի մասին» օրենքի (հետայսու՝ Օրենք) 49-րդ հոդվածի 1-ին մասի «բ» կետով՝ 16.10.2023 թվականին կազմված թիվ Ա-003814 արձանագրության հիման վրա հարուցված վարչական վարույթը 02.11.2023 թվականի հ. Վ-601 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Կետո Սուշի» սահմանափակ պատասխանատվությամբ ընկերության տնօրեն Էմիլ Էմիլի Չոբանյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել վերջինիս Երևանի քաղաքապետարանում 06.12.2023 թվականին կայանալիք նիստին ծանուցելու համար:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ընկերության պետական գրանցման վերաբերյալ տեղեկատվությունը, ՀԴՄ կտրոնի պատճենը, Երևանի քաղաքապետարանի աշխատակազմի առևտրի և ծառայությունների վարչության աշխատակցի 09.10.2023 թվականի «Արձանագրություն» վերտառությամբ գրությունը, փոստային ծառայության ստացման-հանձնման հետադարձ AL0111352000AM ծանուցագիրը, վարչական իրավախախտման վերաբերյալ 22.08.2023 թվականի N Վ-33/29 գործը, Հայաստանի Հանրապետության ինտերնետով ծանուցման պաշտոնական «azdarar.am» կայքից կատարված քաղվածքները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ «Մեզա Թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանի նկատմամբ «Վարչական տույժ նշանակելու մասին» 22.08.2023 թվականի N Վ-33/29 որոշմամբ տուգանք նշանակվելուց հետո մեկ տարվա ընթացքում՝ 11.09.2023 թվականին «Մեզա Թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանի կողմից Երևան քաղաքի Արշակունյաց պողոտայի հ. 34/16 հասցեում գործող օբյեկտում առանց համապատասխան թույլտվության իրականացվել է հեղուկ վառելիքի մանրածախ վաճառք: «Մեզա Թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանի կողմից թույլ է տրվել Օրենսգրքի 169.16-րդ հոդվածի 4-րդ մասի 2-րդ պարբերությամբ նախատեսված վարչական իրավախախտում:

Հաշվի առնելով, որ «Մեզա Թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանը չի ներկայացել գործի քննությանը, որի շրջանակներում հնարավորություն ուներ ներկայացնելու բացատրություններ և պարզաբանումներ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, իսկ վարչական մարմինն իր միջոցներով հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, և այն հանգամանքը, որ «Վարչական տույժ նշանակելու մասին» 22.08.2023 թվականի N Վ-33/29 որոշմամբ տուգանք նշանակվելուց հետո իրավախախտման հետևանքները չեն վերացվել, ինչից հետևում է, որ իրավախախտումը կրել է շարունակական բնույթ, որով նաև դրսևորվել է հակաիրավական վարքագիծ, ինչպես նաև հետազոտելով գործում առկա բոլոր նյութերը վարչական մարմինը գտնում է, որ տվյալ դեպքում առկա է Օրենսգրքի 34-րդ հոդվածի 1-ին և 2-րդ կետերով նախատեսված վարչական իրավախախտման համար պատասխանատվությունը ծանրացնող հանգամանքները, ուստի կիրառելի է դառնում Օրենսգրքի 169.16-րդ հոդվածի 4-րդ մասի 2-րդ պարբերությամբ սահմանված տուգանքի տատանվող սահմանաչափի առավելագույն գումարային արժեքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Տալիս է համայնքի տարածքում հեղուկ վառելիքի, սեղմված բնական կամ հեղուկացված նավթային կամ ածխաջրածնային գազերի մանրածախ առևտրի կետերում հեղուկ վառելիքի կամ սեղմված բնական կամ հեղուկացված նավթային կամ ածխաջրածնային գազերի և տեխնիկական հեղուկների վաճառքի թույլտվություն:

Օրենսգրքի 169.16-րդ հոդվածի 4-րդ մասի համաձայն՝ առանց թույլտվության հեղուկ վառելիքի և (կամ) սեղմված բնական և (կամ) հեղուկացված նավթային կամ ածխաջրածնային գազերի մանրածախ առևտրի կետերում հեղուկ վառելիքի և (կամ) սեղմված բնական և (կամ) հեղուկացված նավթային կամ ածխաջրածնային գազերի վաճառք իրականացնելը՝ առաջացնում է տուգանքի նշանակում՝ սահմանված նվազագույն աշխատավարձի երեքհարյուրապատիկից մինչև հինգհարյուրապատիկի չափով:

Սույն մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի վեցհարյուրապատիկից մինչև ութհարյուրապատիկի չափով:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 169.16-րդ հոդվածի 4-րդ մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. «Մեզա Թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանի նկատմամբ 02.11.2023 թվականի հ.Վ-601 որոշմամբ կասեցված վարչական վարույթը վերսկսել:

2. «Մեզա Թրեյդ» սահմանափակ պատասխանատվությամբ ընկերության տնօրեն Սուրեն Կարենի Բաղդասարյանին Օրենսգրքի 169.16-րդ հոդվածի 4-րդ մասի 2-րդ պարբերությամբ ենթարկել վարչական պատասխանատվության՝ նշանակելով վարչական տույժ 800.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում: